



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00444 pillugu pingasunngornermi ulloq 9. december 2009-mi aalajangiineranik Naalakkersuisunut ilisimatitsineq.

**Inuussutissarsiornermut Suliffeqarnermullu Naalakkersuisoqarfimmut
missingersuutitut sunniuteqanngitsumik ilassutitut aningaasaliissuteqarnissamik
qinnuteqaat**

Naalakkersuisut inassutigaa,

- kontomi pingaarnermi 62.30.01-imi, Siunnersuisoqatigiinnut Ataatsimiititalianullu Aqutsisoqarfimmi allaffissornermut tunngasumi, aningaasaliissutit 250.000. kr.-nik ikilineqassasut,
- kontomi pingaarnermi 62.30.03-mi, Eqqartuussisut suliaasaannut aningaasaliissutini Unammilleqatigiinnermut Ataatsimiititaliap aalajangiinerinut ingerlateqqinneqartunut tunngasumi, aningaasaliissutit 100.000. kr.-nik amerlineqassasut,
- kontomi pingaarnermi 62.30.05-imi, Isumaginninnermi Naammagittaalliuuteqartarfimmut tunngasumi, aningaasaliissutit 150.000. kr.-nik amerlineqassasut,
- kontomi pingaarnermi 64.01.01-imi, Inuussutissarsiornermut Suliffeqarnermullu Naalakkersuisoqarfimmi allaffissornermut tunngasumi, aningaasaliissutit 500.000. kr.-nik amerlineqassasut,
- kontomi pingaarnermi 64.13.24-imi, Suliffeqanngikkallarnermi ikiorsiissutitut tunngasumi, aningaasaliissutit 175.000. kr.-nik amerlineqassasut,
- kontomi pingaarnermi 64.13.23-imi, Piareersarfinnut tunngasumi, aningaasaliissutit 675.000 kr.-nik ikilineqassasut.

Aningaasaqarnermut Ataatsimiititaliap oqaaseqaatai

Suliasaqarfimmi 62-64-imi missingersuutitut sunniuteqanngitsumik nuussinissaq Naalakkersuisut suliami matumani qinnutigaa.

Suliffeqanngikkallarnermi ikiorsiissutit kommunit aggornerisa avataanniittunut aamma atuutsinneqarnissaannik Naalakkersuisoqarfiup anguniagaqarnera aningaasaliissuteqarnissamut pisariaqartitsinerup ilaanut pissutaasoq qinnuteqaammi allassimavoq. Siunertamut tassunga Naalakkersuisoqarfik december 2008-mi ilassutitut aningaasaliissuteqarnissamik aamma qinnuteqarpoq (Suliaq 08-390). Qinnuteqaat tamatumunnga assingusoq 2009-p aallartinnerani nassiunneqassasoq taamani paasissutissiissutigineqarpoq. Naalakkersuisoqarfiulli aatsaat november 2009-p naanerani

aningaasat qinnutigai. Taamatut kinguaattoornerup kontomi pingaarnermi 64.13.24-imi, Suliffeqanngikkallarnermi ikiorsiissutinut tunngasumi, missingersuutininik qaangiineq kinguneraa, tamannalu missingersuusiornermut inatsimmi § 1, imm. 3-mi aalajangersakkamut naapertuutinnigilaq, tassanimi allassimavoq siumoortumik akuersissuteqartoqarsimatinnagu aningaasartuuteqaqqusaanngitsoq.

Taamaalillunilu pisimasoq Aningaasaqarnermut Ataatsimiititaliamit naammaginartutut isigineqanngilaq.

December 2008-mi Aningaasaqarnermut Ataatsimiititaliap aalajangiinerani 08-390-imi taamani ataatsimiititaliaasoq ima **kaammattuuteqarpoq**:

”2009-mi naalackersuisoqarfiup iluani missingersuutininik ingerlaavartumik piffissarlu eqqorlugu malinnaanissap pisariaqarnera annertusisamik eqqumaffigineqassasoq ataatsimiititaliamit naatsorsuutigineqarpoq.”

Siuliani allassimasut tunngavigalugit **kaammattuutip tamatuma uteqqinneqarnissaa** pisariaqartutut Aningaasaqarnermut Ataatsimiititaliamit isigineqarpoq. Tassunga atatillugu missingersuusiornermut inatsimmi § 5 eqqumaffigineqassammat ataatsimiititaliamit oqaatiginngitsoorumaneqanngilaq, tassani allassimavoq aningaasaliissutinik atuilluarnissap qulakkeerneqarnissaanut suliassaqarfimmut akisussaasuulluni Naalackersuisoq pisussaaffeqartoq, taamaaliornikkut ingerlatsineq naammaginartumik aqqissuunneqarlunilu aningaasaqarneq pitsaasumik sukumiisumillu aqunneqarsinnaaqqullugu. Aalajangersakkap tamatuma malinneqarnissaa naatsorsuutigineqarpoq.

Kontop pingaarnermut 62.30.01-p, *Siunnersuisoqatigiinnut Ataatsimiititalianullu Aqutsisoqarfimmi allaffissornermut tunngasup*, danskisuuata immikkoortuata appaa paatsoorneqarsinnaasunngorlugu oqaasertalerneqarsimavoq. Missingersuutinut ilanngussat 2009-mi ilassutitut aningaasaliissutinut inatsimmut ilanngunneqartinnagu taassuma iluarsineqarsimanissaa Aningaasaqarnermut Ataatsimiititaliamit **naatsorsuutigineqarpoq**.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalackersuisut inassuteqaataat Aningaasaqarnermut Ataatsimiititaliamit **akuerineqarput**.

Aningaasaqarnermut Ataatsimiititaliap sinnerlugu

Naaja Nathanielsen
Aningaasaqarnermut Ataatsimiititaliap siulittaasua